

明洪武四年進士登科錄
金 石
煙 艇
永 懷



金

石

契

祝
肇
撰

中
華
書
局

紀錄彙編卷之一百二十三

金石契

祝肇

肇何人也秉獨雉之耿姿隱借驂之廣志長思弘益
必藉於多聞乃憾幽棲未周於藹士爰自賦文之後
漸繁友德之期逮乎茲年郁焉合志豈伊私助之隆
厥亦華風之會矣若夫歸向則察乎大通之義論議
則詣乎太玄之初輪寫則注乎肺肝之蘊問學則盡
乎玉石之功堪稱不回允謂同聲每一展覲未嘗不
欽悚而自幸者焉雲思雪興積月加辰因乘心念之

惇布諸簡牘之內畧陳品致用固因宗如其言行歷
履則弗鄭重喉牙蓋以所專焉我非曰方人至於倍
年隔境亦不繁攀行第旣就遂名曰金石契焉弘治
四年八月十六日序

名氏

朱存理字性父

史經字引之

朱凱字堯民

楊循吉字君謙

王涑字濬之

都穆字元敬

李詢字好問

邢參字麗文

吳烜字次明

劉棄字封叔

右共十人以齒爲次

附一人

張布

金石契

祝肇

性父

性父爰自弱齡夙勤文學閱三餘以靡空攬五車而尤富書閱晉戶吟升宋堂接先曹之典刑暢遺民之風格願紬多識庸裨寡聞焉耳贊曰

野有遺良性父老矣深藏若虛博哉君子

引之

引之詞色恬雅氣誼款原鄙吝親之猶餐玉粒旣充

饑腸尤增和氣彰之吟諷不自苟易孔子所謂志仁者乎贊曰

熏熏飲醇浸浸麗澤淡而不厭允矣尚德

堯民

堯民性尚文和韻含芳列求聲影於先懿研行墨以窮年嗜勝食色劬移行寢崇賢薦分歷久不渝斷金之誼牢敝裘之度廣旣如不及猶恐失之肇之飲惠寔醲惟慙弗報而已贊曰

清矣堯民颯然風塵松顏靡落芝臭常芬

君謙荷河岳之曠靈結日月之慧氣揆乾鑿坤澄澤

守湛四海橫流岌然恒岱鋪千年而銓叙始可得其
人乎遐襟耿度望不可齊而乃深懷接挽莫靳開妝
可謂友道一振也長肇二歲交踰旬紀時獲分霑一
毛便得益重九鼎贊曰

君謙堂堂厥懋以揚堪輿之遠孰毀孰藏
濬之

濬之氣抱通朗機局警穎尊賢尚古其善之最肇自
頃投漆時曠滌塵雖連呼遠駕辱不遐遺而恒尋夢
路尚漸居索所惜隱而未見天廢東箭贊曰
濬之英英雅潔不伍時分秀利削我氛土

元敬

元敬意度騰越論議崇弘言必稱古志將用今動斯存禮行不由徑雖以英妙之期而歸然長宿之表綽綽頌頌歿而後已肇少君一歲辱友最遙入室霑香臨衢駐蓋雖川含芥拾本出仁寬之量而蠅附狗續無勝救益之感永言同心遐期童頂贊曰

方冠長裾典刑茲存惇風抗塵悲哉令人

好問

好問天生物則帝降人心譬如桓宮坐皿不溢不頃敏學追古恒猶不及積思遠效不安小知輔仁友德

厥亦隆哉贊曰

人馬允臧粹固靡疾親之潛益喻彼長日

麗文

麗文止水爲心靜山成性抑之不污抗之靡高求古
劇嗜炙之精嚴脩辭匪轉石之直重素位亡諂安節
不尤展矣厚資凝然遠器足以潛回玄化坐鎮漓風
千年叔度其殆庶乎贊曰

金歛其芒玉不露角澆澆百顰贊哉一鶚

次明

次明儀度明粹格態靖謚智照物先幾通事隱時居

官守之域應牧宰李之科矣。觚翰之事特臻其巧而重若文翫標點留情屢接王恭之席知愧毛曾之倚也。贊曰：

季姿雅致藻飾素淨牛刀之才可使從政
封叔

封叔毓自華門聿興懿質挺高遐之卓志厲沈潛之茂業揚鑣藝圃無退履之蹤飛鞚詞林速箭雲之力年逾弱冠地已兼人要終之就誰涯誰闕東南之美表後先者子乎贊曰：

琚珩其相椎鑿膠膠章華陸離千載南鏐

附一人

張布予門士也天分甚明御就銜勒亦一泛駕